

REGIONAL NEWS BULLETIN

Date – 19/11/2024 Time - 18:30 -18:40Hrs

HEADLINES (EVENING)

- Central Chief Information Commissioner(CCIC) Pu Heeralal Samariya hovin vawiin khan Serchhipah 'Interaction on Right to Information Act 2005' neih a ni.
- Chief Minister Pu Lalduhoma, Finance Minister ni bawk hovin 16th Finance Commission hnena thlen tur Mizoram sawrkar rawtna leh ruahmanna sawiho a ni.
- Naktuka Maharashtra leh Jharkhand Assembly inthlan atan inbuatsaihna peihfel vek tawh a ni
- Prime Minister Narendra Modia chuan khawvela innghirngkhona thleng mek avangin khawvel chhim lam ram Global South ten harsatna namen lo an tawh a ti.

<><><>

CIC

Central Chief Information Commissioner(CCIC) Pu Heeralal Samariya hovin vawiin khan Serchhipah 'Interaction on Right to Information Act 2005' neih ani

Pu Heeralal Samariya chuan thusawiin sawrkar deptt.tin a Public Information Officer(PIO) leh Sub Public Information Officer(SPIO) leh Department Appeal Authority (DAA) ten an Department information hrang hrang te chu aduh piang te hmuh theih tura Deptt Website ah tarchhuah thin tur anih thu a sawi a, RTI Act hmang a zawhna te chu a Deptt kaihnawih ten tikhawtlai lova huntiam chhung ngeia chhanna pe ngei thin turin a chah RTI dilna lut reng reng uluk taka zirchianga chhan na dik pe turin a chah bawk a ni.

'Interaction on Right to Information Act 2005' Programme ah hian Mizoram Chief Information Commissioner Pu John Neihlaia pawhin thu sawiin, he Dan hnuaiah thil dik leh fello a awm chuan PIO & SPIO ten a mawh pawh an phur ngam tur ani a a ti a, Freedom of Information Act hian sawrkar thiltih leh hnathawh leh chetvelna te mipuite hriat ve loh tura ngaihna a tibo a, Mizoram Information Commission website ah English leh Mizo a chhiar tur a awm vek thu leh tun dinhmunah mipuiten manual leh online RTI hmanga zawhna an zawh ve theihna turin VC leh sawrkarin a puih NGO te pawh Public Authority tho annih angin SPIO leh PIO atan dah thar annih thu leh hei tihchangtlun zel tum anih thu te a sawi bawk.

He huna tarlan a nih danin, RTI Act 2005 hnuaia sawrkar in a tihur-online & offline hmanga mipuite zawhna PIO & SPIO DAA ten an lo dawnsawn dan ah leh chhanna pekah Mizoram State sawrkar chu a thawk tha thawkhat a, Disposal % hi

Directorate. Level ah zaa 95, District level ah zaa 92 leh Secretariat level ah zaa 95 ani mek ani.

He hunah hian RTI Act chungchang a hriatthiam loh te, zawhna zawt tute hriatchianna tur chungchangte, PIO&SPIO in a chhan theihloh chinfel dan turte leh RTI Act 2005 chungchangah zawhna leh chhanna hun hlawk takin an hmang ho bawk ani.

<><><>

AMC

Aizawl Municipal Corporation-a Committee on Regulations of Restaurant, Hotel and Hostel Chairman leh Corporator ni bawk, Pu Rosiamngheta chuan Aizawl Municipal Corporation-in tunhnaia Aizawl khawchhunga thingpui dawr leh hotel-te an endik chu report siam a, AMC-a hotu sang zawkte thuthkhawmah put luh leh a nih tur thu a sawi.

AMC Committee on Regulations of Restaurant, Hotel and Hostel Chairman chuan Akashvani News Aizawl-a hrilh danin, an Committee-in a Aizawl khawpui hmun hrang hranga thingpui dawr leh ei in siamna hmun an endikna-ah, a tam zawk chuan Health Department in a phut angin Food Safety and Standard Authority of India FSSAI Certificate chu an nei deuh vek a, AMC permit erawh neilo an awm nual a, AMC-a in register chu thil pawimawh tak a nih thu leh AMC chu Aizawl khawpui management khawihtu a nihna ang a, sumdawonna leh damdawiin thleng a AMC a in register a pawimawh thu a sawi bawk.

Pu Rosiamngheta chuan Aizawl chhunga dawr leh damdawiin bakah a mi chengten midang tan harsatna an siam leh siam loh te, a bik takin ei leh in siam a sumdawngte'n, an ei leh in siam a thianghlim tawk em tih enfiah chu Municipal Corporation chanvo a nih thu sawiin, ei leh in siam thianghlim leh thianghlim loh enfiah chu hun rei tak atanga an lo vei tawh thu a sawi a, Aizawl khawpui a chengte nun chuan kalphung mumal tak a neih a duh thu thu leh chu nun chu dan hnuai a zalen taka awm tura a duh thu a sawi bawk.

Vawiin vek khan AMC hnuaiia Committee on Control of Parking & Collection of Parking Fees chu Deputy Mayor Pu R. Thanglura hoin an thukhawm a,

He thuthkhawmah hian Aizawla khawpui chhunga khualzin tamtak leh Maxi Cab service ten loh theih loh thil a an lirthei te zan lama an riahna tur ruahmanna mumal zawk siam a nih dante an sawi a, hemi chungchangah hian Aizawl khawpui chhunga veng 28-in AMC-ah ruahmanna an neih te an thelut tawh a, Maxi cab bik zan a riah na hmun tur pawh AMC hian a ruahman fel tawh thu leh Traffic Police leh Local Council te nen tha taka kalpui tum a nih thu sawi lan a ni bawk.

Vawiina thukhawmte hian Maxi Cab stand leh Berawluia Aizawl City Bus Terminal luah dan tur chungchang bakah, Aizawl Municipal area chhunga Two Wheeler Taxi parking chungchang te sawiin Parking area chei that dan tur leh chhinchhiahna siam dan tur te an ngaihtuah tel a, Aizawl khawpui chhunga Parking area siam hrang hrangte chu hauh bik a remchan loh thu leh hmun thenkhata Two Wheeler taxi ten an member ni lo din an phal loh thin pawh ti lo tura hriattir ni se tiin an rel a, AMC Parking area hrang hranga lirthei leng bak hnawh luh a nih thin dan pawh endik tura rel a ni bawk.

<><><>

CM

Chief Minister Pu Lalduhoma, Finance Minister ni bawk hovin 16th Finance Commission hnena thlen tur Mizoram sawrkar rawtna leh ruahmanna sawihona CM Conference Hall ah neih a ni.

Chief Minister chuan, tun tumah hian 16th Finance Commission hun chhunga state specific grant lam an sawiho bik dawn a. Tun hmaa he specific grant lo kalpui tawh dan ang thova rawn kal tur a nih hmel avangin sum hmuh beisei a tam thei hmel lo va. Department hrang hrangten project a thun vek thehi dawn loh a ti a, an sum dawn theih tur awm tawka an ngaih behchhanin mamawh zual chauh thlan a ngai dawn a ni, a ti.

Finance Commissioner chuan official bik an inko khawm phawt a. Hun remchang hmasa berah NGO te nena inkawmna buatsaih leh tum a ni ang a ti.

Meeting hian 16th Finance Commission hun chhunga state specific grant hmanga thawh tura department te project thehluh enho a ni a, project thehluh thenkhat tun tuma la tarlan loh te chu a ranglama enho leh ni se, an ti. Hei bakah hian 16th Finance Commission ten Mizoram an rawn tlawh huna lo dawnsawn dan tur pawh an sawi bawk.

Finance Commission hi kum nga chhunga sawrkar laipui leh state sawrkar ten tax an insem dan tur bithliahtu atana India danpui Article 280 anga din a ni a. 15th Finance Commission huam chin hi a tawp mai tawh dawn a, nakkum April ni 1, 2026 atang khian 16th Finance Commission rawtna anga kal tawh tur a ni.

<><><>

INCOME TAX

Aizawl-a Income Tax Department hotute chuan Mizote chu tribal an nihna angin income tax-in huam lo mahsela, sorkar laipui dan zamin a phut ang a TDS an ngaihsak a pawimawh an ti.

Income Tax Department hotute chuan Income Tax-in a a huam loh India rama tribal-te pawhin dan ang takin Tax Deduction Source bikah Tax deduction Account Number an neih a ngaih thu sawiin Mizote zingah Income Tax changchang ngai pawimawh an tlem ni a a lan thu an sawi a, sorkar hnathawk zingah department tin a Drawing and Disbursing Officer-te pawhin Income Tax chungchang hi an ngaih pawimawh a ngaih thu leh sumdawngte pawhin an sumdawna kaihnawih a an Bank Account-a sum lut te uluk taka an chhinchhiah a pawimawh thu sawiin Mizote chu tribal an nihna avang leh an sumdawna hmun chu tribal area a nihna angin, sorkar-in income tax chawi tura a tuk ngawt theihna a awmlo a, chumi tur erawh chuan Tax Deduction Source mumal tak leh felfai tak an neih a pawimawh a, hemi atan hian Aizawl Bawgkawn Brigade-a awm Income Tax pisa-a thawktute an inpeih reng thu an sawi a ni.

Hei bakah hian Mizorama Kohhran tinte leh tlawmngai pawlte'n bank account an hawn chungchanga Income Tax Department hotuten an hriat tur pawimawh an tih kan correspondent chuan hetiang hian a sawi.

Voice Cast:- Income Tax department hotute chuan Akashvani News Aizawl an hrilh danin Mizoram chhunga Kohhran leh Tlawmngai pawl hrang hrangten bank account an siam in PAN card bank lamin an lo phut thin a, hetah hian Kohhran leh tlawmngai

pawl a sum enkawltute pan card lo thehlut mai thin an awm a, hei hi khawlin mimal account emaw tiin income tax leh thildangah mimal account angin a hmu thin a, Kohhran leh tlawmngai pawl tinten harsatna an tawh loh nan, Kohhran emaw tlawmngai pawl hming a pan card siam theuh turin Kohhran tin leh tlawmngai pawl tinte an hriattir thu an sawi bawk.

John Vanlalchhuanga, Akashvani News Aizawl.

ELECTION

Naktuka Maharashtra leh Jharkhand Assembly inthlan atan inbuatsaihna peihfel vek tawh a ni a. Hei bakah hian Maharashtra-a Nanded Lok Sabha bial leh State pali-Punjab, Uttar Pradesh, Kerala leh Uttarakhand-a Assembly bial 15 inthlan that a ni bawk ang.

Jharkhand-ah hian Assembly inthlan hi thawhniha neih niin tun tum thawhniha hian district 12 chhunga Assembly bial 38 ah inthlan a ni dawn a. Zing dar 7 atanga tlai dar 5 thleng vote thlak a ni ang.

Maharashtra ah chuan seat 288 ah vote thlak tur a ni a. Zing dar 7 atanga tlai dar 6 thleng vote thlak a ni ang. Maharashtra inthlanah hian candidate 4136 an awm a ni.

Inthlana vote tla te hi tun thla ni 23 ah chhiar a ni ang.

<><><>

PM IN RIO

Prime Minister Narendra Modia chuan khawvela inngirngihona thleng mek avangin khawvel chhim lam ram Global South ten harsatna namen lo an tawk a ti. Brazil-a G20 Summit neih mekah he thu hi sawiin Pu Modia chuan khawvela indona thleng mek avangin eitur, tuialhthei leh leitha supply ah harsatna a thleng a ti a. G20 ramte chu he harsatna thleng mek hi ngai pawimawh turin a chah a ni.

VC

Prime Minister Modia hian G20 Summit karlah hian ram hrang hrang hruaitute a kawm bawk a. Heng zingah hian Egypt President Abdel Fattah El-Sisi te, South Korean President Yoon Suk Yeol, leh European Commission President Ursula von der Leyen te pawh an tel a.

<><><>

POLICE

Union Home Minister Amit Shah chuan wawiin khan All India Police Science Conference vawi 50-na Gandhinagar, Gujarat ah a hawng. He intawhkhawm hi Bureau of Police Research and Development (BPRD) leh National Raksha Shakti University te tangdun buatsaih a ni a. Union Home Minister chuan kum 50 kalta chhunga inthlak danglamna thleng chi hrang hrangte a tarlang a. Heng inthlakna thleng avang hian Police te nihphung leh hnathawh danah pawh insiamrem ngai tam tak a awm a ti a. Kum 10 kalta chhung khan ramchhunga hmun ralmuang lo laia ngaihahte tharum thawhna thleng zat a tlahniam hle a ni a ti bawk.

<><><>